



Ассаламу аьлайкум, дустал

ХХЯХХА БАРГЪ

Лакрал райондалул кказит. Ита бакьлай 97-сса шин.

12+

«ЗАРЯ»

Нюжмар
13 август
2021 ш.

№ 34

www.zaria-online.ru
gazetazary@mail.ru

НицIал кьаллуву - ца кьуса кьирданул

Щалара дуняллий коронавирал инфекция шпив кьашаврин, му бигьану инсаннал ялату гьаврин чара бакъа вакцинация дан аьркинссар тIий, аьлимталгу, хIакинталгу, хIукуматрай каялушиву даймигу, цивппа коронавирал кьашавай хьуну бивкIмигу леххаву тIий, ккавкмуния, цала дурсса биччибакьулшиврия буслай бунугу, цаппара «акьлукартал» хIакьинусса кьинигу ххалаххи баврин кьарщину, му ссан аьркинссар, щиллив цирив увкунни интернетраву тIий, махьунмай хьанай бур.

хабургьил 33-мур номерданул 2-мур лажиндарай.

Коронавирал инфекциялин кьарщисса давуртту дачин давриву эбрат ласун бучIир райондалул агьалийнаха социальный кьуллугьру байсса центрдания (ЦСОН).

Коронавирал азар дайдирихьуну цIубутIуйва ва коллективрал циняв зузат буржлув бувна катIри ларххун, маскардаву, дезинфекция дуллай бакъа райондалул бугьарасса, мушакьатсса инсантура-

МухIаррам барз

ЦIусса шинал цалчинмур барз

Мусулманнал календарьданий августрал 9-ний байбихьунни МухIаррам барз. МухIаррам зуруа дайдишайссар зурул календарьданийсса шин (цIана жува ишла буллалисса календарьданий январь зуруа кунна). Муниату, барча буллай буру циняв мусульмантал цIусса шинашал!



Ва иширавугума чIалай дур цума инсаннал цукунсса хасиятру дуссарив: ссайнчIав вих кьахьанахъаву, щинчIав вихшала дакъашиву, яла «кIулману» цува чIалачIаву, чIявучин ккавкмур инкар буллалаву, кIихIуллашиву, ххуймуниярь обькимур лаласун хIадуршиву ва м.ц. Цан учирча дуняллий вайксса халкъ вакцинация дан аьркиншиврия гьалгьа тIий, бувчIин буллай бунугу, цунугу увккун, муния зарал буссар, ми щил бунугу цанма мюнпат ласун дуллалисса давурттури, тIун бивкIукун - цукунсса пикрирдал инсанталли мукунми?

Коронавирал щатIи щусса инсан хIал бакъа, кIиришиву лархьун, сихI бигьин захIматну, бугь хьанай, дукралул тIин-тIааьн

кьабувчIлай, хьугьу тIий, гьухьа итлай икIайшиву ва цайми лишанну дикIайшиву тасттикьну бунува, ай, му аьвкьуну ивкIун урча, ми аькьаврил лишаннури тIутIиссагу буккай.

Коронавирал ххалаххив баву дакъа, цалсса ва оьсса азар бугь дансса цамур бару бакъашиву чIалай, ХIукуматрал ккаккан бунни цу-цукусса ххуллурду лас-ласиссарив му ишираву.

Баян бунни цу-цуми давурттай зузиминнан ххалаххи чара бакъа бан буржлувссарив, кьабулларча, захIматрал хIакьгу бацIан буну, чIумуйну давурттая мурахас бан аьркиншиву ва м.ц.

Мукунмасса хIукму кьамул бунни райондалул администрациялуугу. (30 июнь 2021ш. №135). Букки «Ххях-

шалсса кьуллугьру кьабуллан. Мунил ялув авцIуну ия цува ЦСОН-далул каялувчи Шяпи Щурпаев. Гания махь вакцинациялул ххалаххив буллан бивкIукунгу, хьхьичIвахьхьичI ва коллективраву зузисса 65 инсанная 60 нал бунни вакцина. Миннаву цалчин ххалаххи цайва бувна Шяпи Щурпаевлул. Муниату азардания бурувччуну бур цивппа зузатту, миннал кьуллугь буллалимигу.

Щала райондалийгу махьсса шпурттуву хьинну хьит увкунни вакцинациялул давриву.

Кьабувминнан бувчIин аьркинни, цалчин цанна, яла цала лагмаминнан цаятура нигьачIаву душиву.

Буруччара зувагу, зунма гьанмигу.

МухIаррам - лавайсса хIурматран лайкьсса барз бушиву бувсун бур Кьурандалийгу, Сунналийгу. Ва хьанай бур дявирду буллан, оьттухлу оь ласан ва м.ц. иширттан кьадагьа дирхьусса мукьва зурувасса ца. Муни буну, гьарца мусулманчувнал аьркинссар ва барз бутан, Аллагнайн эбадатру дуллай. Шинал цалчинсса ва барз цукун бувтурив, щала шин мукун гьантIиссар. «Диндалиясса элмурду утта дуккан даву» тIисса цала луттирай АбухIамид МухIаммад ал-Гьазали чичлай ур, МухIаррам барз Аллагнайн эбадатру дуллай бутарча, ва зурул барачат цайми зурдардийнгу биянтIиссар, тий.

Имам Нававигу цала луттирайгу чивчун бур, хIурмат лавайсса зурдардива зума дургьуну яла хьинмур барз МухIаррамри, тIий. Муслимлул бавтIусса идавсил (с.аь.вс.) хIадисиртавугу бур укунсса: «Рамадан зурул хьин-

рив зума дургьуну яла хьинмур барз МухIаррамри». Табранинал бувсусса идавсил (с.аь.вс.) хIадисравугу тIий бур: «МухIаррам зуруй ца кьини зума дургьуманан чире бикIантIиссар 30 зума дургьуссаксса». Яла хьинссар МухIаррам зуруй зума дугьарча ххамис, нюжмар ва алхIат кьинирдай.

МухIаррам зуруй дуссар хьинну бусравсса ацIулчинмур кьини - **Аьшура**.

МухIаррам ккалли байсар тавбарду ва эбадатру дайсса барзну. Аллагу зула бунагьирттал ялтту увчIун ччарча ва зуруй тавбарду дуллалияра! Зунма чире чIяву буну ччарча, ва зуруй хьинбаларду буллалияра!

Кь-М.Рамазанов,
аьлим.



Бюхттулсса Ххувшаврин - 76 шин

Связьрал отделениелул командир

Уттигъанну Буттал кIанттул цIанисса Хъунмасса джъвилул ветеран МахIаммад Кудавулл кIицIлавгунни увну 99 шин хъусса тарих. Хъинну хъунав хъуну унугу, ванан дакIний дур цала дурхIусса захIматшивуртту.



бия гитлердул абралунна-шал махъва-махъсса ссхI бигъиннин, -буслай ур хъунав хъусса талатала. -Ттунгу кIул хъуна, душманнал ккулла чурххайн щусса солдатан цукун бикIайсарив. Ттуйн щаву дияйхту, арх бакъа зий бивкIсса санитартурал на госпитальданнин иян увнав. ХIакинтурал на хъин уллай урчIва барз хъуна. Итаакъайхту, командованиелул къаст дия на буттал улкIуйн гъан ан. Амма яла хIукму бувна жула полкираву связистну къаитан.

Дагъусттанчувнал ххуйсса связь щаллу дуллалишиву чIалан бикIайхту, командованиелул ва ивтун ур битултрал 96-мур корпусрал 996-мур батальондалул кабеллал къазихъирттал роталул от-

делениелул командирну.

Джъви къртал шайхту, МахIаммад Кудавулл запасраин гъан увну ур, хъунма сержантнал цIагу дуллуну. Мунал хъазамраву му чIумал диркIун дур ЯтIул ЦIукул, Къучагъшиврул ва 2-мур даражалул Буттал кIанттул цIанисса джъвилул орденну. Шавай зана хъуну, ва цIунилгу школалий дарсру дихълан ивкIун ур.

Гъашину июньдалул 5-ний, М.Кудавулл 99 шин бартлагайсса къини, МахIачкъалаллал мэриялий каялушиву дуллалиминнал хIукму бувна ванан дулун «МахIачкъала шагърулул хIурмат бусса гражданин» тIисса цIа. Мукунна ванал хIурматран сакин дурна хъунмасса концерт.

ЧIатлий буру къучагъсса жула аьрщарайчунвал цIакъсса цIуллушиву ва ялув даркъусса ссав. Барчаллагъ Бюхттулсса Ххувшаврихлу!

Аскар МахIаммадов,
«ДП», 11 июнь, 2021ш.

личин, -дакIнийн бутлай ия М.Кудавулл. -Анаварну махъунмай бавчурну жула абраллу бусса кIанайн. Амма жуятусса цаннайн щаву дирну, мунан кумаг аьркин хъанай бия, цува ачин къабюхълай уну. Ца секундрайвагу аглан къавхъуну, на къаст дав мунан кумаг бан, ва ттушала архIал талай ивкIсса му, ттула мукъах ивщун талатавуртту дусса кIаная уккан ав.

РахIму бакъасса душмантуран ччай бивкIун бур, чапхунчитурал кунна жула аьрщи кIунттихъхъун ласун бакъасса, совет халкъуннал гужгу бухлаган бан. Мукунсса душманнашал талай М.Кудавулл чIявусса барзру хъуну бур.

-Нигъгу бас дурну, ЯтIул Аьралуннал талаталт талай

**С.Меликовул хъунабавкъунни Олимпиадалий гъртту хъуми**

Августрал 10-ний Дагъусттаннал БакIчи Сергей Меликовул МахIачкъалаллал Уйташ аэропортрай хъунабавкъунни 32мур Олимпиадалул бяс-ччаллай ххув хъусса ва призру ларсъсса Дагъусттаннаясса спортсментал.



Ми циняв занай бивкIун бур жула республикалийсса спортрал школардайн. Миннавух бия Олимпиадалул чемпион кIийла хъусса Аьвдурашид Саьдуллаев, ва ппурттух чемпионтал хъусса Заур Угъев ва Альберт Батиргъазиев.

Дагъусттаннаясса спортсментурашал республикалийн увкIуна РФлул лачIун буккавилл Федерациялул президент Михаил Мамиллашвили, Аьрасатнал лачIун буккултрал цачIун дур командалул хъунма тренер МахIач Муртузаьлиев ва цайми.


Олимпиадалий гъртту хъуминнахъ ва миннан лахъхъин буллай, ми тарбия буллай бивкIминнахъ, мачча-гъанминнахъ ва миннахлу буклай бивкIминнахъ чIявуссаннал барчаллагъру увкунни, миннан цIуллушивугу, гихуннайсса ххувшавурттугу чIа кунни спортраву ва оьрмулуву. «Лезгинка» ансамбльданул циняв ххари бунни къавтIавуртту дурну.

Олимпиадалул чемпион-тал хьунни лачлун буккулт **Аьвдурашид Саьдуллаев, Заур Угъев ва боксрай укку Альберт Батиргъазиев.**

Арцул медаллан лайкь хьунни боксрай укку Муслим Х1ажимах1аммадов ва лачлун укку **Мах1аммадх1абиб Къадимах1аммадов.**

Чарвитул медаллангу лайкь хьунни боксрай букку **Земфира Мах1аммадаьлиева ва лачлун укку Х1ажимурад Рашидов.**

Аьвдурашид Саьдуллаев (лачлун укку, 97кг.) 1/8 фи-



налданува ва ххув хьунни 2012 шинал Олимпиадалий чемпион хьусса Азербайджаннахлу лачлун уклакисса Шарип Шариповлуял 5:5 счэтращал. Хъирив, 1/4 финалданува ванал ух увни гуржиял лачлун укку Элизбар Одикадзе 10:0 счэтращал. 1/2 финалданува лачлун увкунни Кубанавасса Рейнерис Салас Переслушал. Мугу ух увни 4:0 счэтращал. Финалданува хьунаавкунни 2016 шинал Олимпиадалул чемпион хьусса цала яла гужма муттаэ, американал лачлун укку Кайл Снайдердушал (ванащал Аьвдурашид кийла лачлун увкссия. 2017 шинал дуняллул чемпион хьуссия Снайдер. 2018 шинал -Аьвдурашид). Лачлун увккун кьуртал хьун 10 секунда лирч1сса ч1умал счэт дия 6:3. Му счэт лирч1уна кьуртал шайхтугу.

Аь.Саьдуллаев ур жула ч1аххурайсса Ч1арадиял райондалиясса. Ва мукьила дуняллул чемпион хьуну ур. Утти кийла -Олимпиадалул чемпионгу хьанай ур. 2016 шинал Олимпиадалий лачлун уклай уссия86 кг. к1ушиву думиннащал. Утти, 2017 шиная шихунай -97кг. думиннащал.

Заур Угъев (лачлун укку, 57кг.) Цал ва лачлун увккуна



Олимпиада 2021

Дагъусттаннаясса чемпионтал

Токиолий хьусса Олимпиадалул бяст-ччаллаву Дагъусттаннаясса спортсментал лайкь хьунни арулла медальданун: шанна-мусийл, к1ира-арцул ва к1ира -чарватул.

американалманащал, Томас Гиманнушал. Ух хьанай, счэт 3:4 лирч1уна ч1ун кьуртал хьун 10 секунда дусса ч1умалнин. Амма Гилман гужну палц1 увну, ххув хьун бювхьуна 5:4 счэтращал. Хъирив мукуна ух хьанай ия узбекнал лачлун укку Гуломжон Аьбдуллаевлуял 4:6 счэтращал ч1ун кьуртал хьун гайра 10 секунда лирч1сса ч1умал. Ччан бахчин бувну, та увтун, к1ива балл лавсун, полуфиналданувун агьуна. Полуфиналданува бигьану ванал ух увна Ираннал лачлун укку Реза Атри 8:3 счэтращал.

Финалданува ванащал лачлун увккуна Индиянавасса Рави Кумар. Ва гужсса муттаэнаялгу Заурдуца ххув хьун бювхьунни.

Альберт Батиргъазиев (бокс, 57кг.) Цал ванал ух увна доминаканнал боксер



Дела Крус. Хъирив - Монголиянаватусса Тценбаатар. 1/2 финалданува хьинну зах1матсса талатавриву ххув хьуна шамила дуняллул чемпион хьусса Кубанал боксер Ласаро Аьвареслуял. Финалданувугу уккан багьуна гужсса боксёр, США-навасса Дюк Реганнушал. Гужумру буллая, анаварну уклай, ч1явусса бишлай, Альбертлул му бас увни, шаннагу раундрал х1асиллу ванал чулухсса хьунни. Цалчинмур мусийл медаль Аьрасатнал командалува ларсунни ванал! Барчаллагъ хьунмасса!

Муслим Х1ажимах1аммадов (бокс, 91кг.) Цалчин ва увккуна Алжирнал боксёр



Бенчаблалашал, му бигьану ух увна. 1/4 финалданува бас увна Германиянахлу уклакисса Аммар Аьвдулжаппар. 1/2 финалданува ванал муттаэ хьуна Новая Зеландия-навасса хьинну гужсса боксёр Дэвид Ньика. Шаннагу раундрал х1асиллайн бувну, ххув хьуна Муслим. Финалданува т1урча ва хьунаавкьуна мукьила дуняллул чемпион хьусса, цал Олимпиадалул чемпионгу хьусса Кубанал боксёр Хулио Сесар ла Круслушал. Му ия хьинну анаварсса, заккана шун кьаац1айсса. 2017 шиная шихунай 48-нащал ивну, цалагу щиялч1ав ух кьавхьусса Муслим ванал ух увни, арцул медальданушал ливч1унни.

Мах1аммадх1абиб Къадимах1аммадов (лачлун укку) Дагъусттаннай увсса ур, амма 2020 шиная шиху-



най лачлун уклай ур Белоруссиянахлу. 1/8 финалданува ванал ух увни хьунмасса опыт бусса Кубанал лачлун укку Геандри Гарсен 12:8 счэтращал. 1/4 финалданува дуняллул кийла чемпион хьусса американал лачлун укку Карл Дайк бас увни 11:0 счэтращал. 1/2 финалданува ванаща ух ан бювхьунни 9:7 счэтращал дуняллул чемпион

кийла хьусса Кубанавасса лачлун укку Франк Чамизо, Италиянахлу уклакисса. Финалданува т1урча ух хьунни Аьрасатнал лачлун укку, дуняллул чемпион кийла хьусса Сидаковлуял.

Земфира Мах1аммадаьлиева (бокс, 75кг.) Ва буссия панкратиондалува дунял-



лул чемпион хьуну. Му жура-

лул бяст-ччаллу Олимпиадалий кьабик1айнутий, паччах1лугьрал арцугу мунин ита кьадакбайнутий, мунин кланай боксрахун багьуна 23 шин хьусса ч1умал. 2013 шинал Аьрасатнал чемпион хьуна. Ца шинава Кьиблалул Кореянаву дуняллул чемпионгу хьуна. 2016 ва 2019 шиннардий Европанал чемпионгу хьуна. 2019 шинал Улан-Удэлий к1илчингу дуняллул чемпион хьуна.

1/8 финалданува ванал бух бувна американал боксёр Наоми Грэхем. 1/4 финалданува - Мозамбикраясса душ Фади Грамоня 1/2 финалданиву бух

хьуна циярва усттарну булакисса Ли Цяннуял.

Ци бунугу, Дагъусттаннаясса душвараву Олимпиадалул медаль уттинин щилч1ав кьаларсьсар. Ванил ларсунни чарвитул медаль.

Х1ажимурад Рашидов (бокс, 65кг.) 1/2 финалда-



нуву Х1.Рашидов ух хьуна Японнал боксёр Такуто Осогуролуял. Амма медальданун лайкь хьунсса каша лирч1ун дия. Чарвитул медальданун лайкь хьунсса финалданува ва хьунаавкьуна Венгриянахлу уклакисса Дагъусттаннаятусса Исмаил Мусукаевлушал. Цалчинмур раундраву лавсуна 3 балл, к1илчинмунив счэт хьуна 5:0. Шаннагу кьуртал шайхту, чарвитул медаль ванал хьазамраву хьуна!



Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана и сверстана на компьютерной базе редакции газеты «Заря» и отпечатана в ГАУРД «Издательский дом» «Дагестан»
Адрес:
г. Махачкала,
пр. Насрутдинова, 61.

Срок подписания в печать 17.00
Подписано в 16.00

Газета выходит в неделю 1 раз.
Тираж 742 экз.
Цена свободная.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан от 22 августа 2017 г.

Регистрационный **ПИ № ТУ05-00385**

Позиция редакции может не совпадать с точкой зрения авторов, которые несут ответственность за достоверность и объективность представленных для публикации материалов.

Макьсуд ХIабибуллаев, 1994ш. ш.Хьур

Хьудугьул балай

Хьарас хIадур дара, рукI дакьин дара.
Бурчул усру ларххун ххуллин агъара.
Буркъасуннай лачIал мукъра дугъай хьу,
Хьурссувх дуккан дара ахттайн бизаннин.

КIюрххила изара, гъайтIун лагара,
Кьурдарав къакъунттул къакъаба дуцай.
Щуттавух бачайсса ттул лухIи ницру,
Гьухь бюкьан бацIару марщайн бивукун.

Арх бакъа щараши, чIаххув гъайтIала.
АрхIал щябикIару, хавар бусару.
Бархьаллал къукъува ца-ца ххув чару.
Нанисса ттуруллай тамаша бару.

Щукрури учару рахIмат буллусса.
Бувгьусса къалмуя ттурш-ттуршва хьусса.
Лухччинух бургару ссавних бургару.
Бюхттулсса барзунттай ябацIан бару.

Хьурссуй бацIу цал-цал хьирттарай бацIай.
Жалин чIелму лехлай балай тIун бикIай.
Ца дакI ххари шайхха, дакI рахIат дуккай.
ЧIуртта къурнил марщай игъа лагара.

Ялагу гъав бара, марсри лиссара.
Биргадир учIаннин лагма дигъара.
Хьунзунттуха буккай пиш тIий ххяххабаргъ.
КIюла ххуллийх бачай кIюрххилсри ларсун.

Цал ницан дичару, хIачIан гъан бару.
Яла щя бикIару марщай ссупралух.
Бисмиллагъ къабувну хьунама дувнал.
Айишин ламус шай ишттахIрай уна.

ПпирсидатIилнал лахьхьу шикаят бувна.
Собраниялин ина къаувкIанна тIий.
ЧIаххув АтIал Хьюрттай дачIу дугъай хьу,
Кьадитан къархьуна къуртал къадурну.

Щала колхозрал къур бувгьуну бия.
Чилентурал хьуру гъайчин дурая.
Мюрщи хьуру, марсри циняв гъай чинна.
Мюрщи хьуру, марсри циняв гъай чинна.
Ккунуккирттал ххунчIал уччин уварча.

**Хьама мадитари
буттахъал мина**

Агь, ттул буттахъал улчай, зунттал билаят.
Кюртти -кюртти шархъив, жегъирххуллурду.
Ххуллук бакIрах гъази, шярав зиярат.
ХьачIру щуну бавцIу, бюхттул барзунттив.

Ци-цигу ккавкхьунссар аврдан ва зунттан.
Зунттал дарардаву лакрал махIлардан.
Ци-цигу дуркхьунссар вирттаврайн кьини
Тархъаншив дуручлай Ватан я дуллай.

Зух бурувгун яру мукъавун лагай.
Шагъидхьу вирттаврай нур дизлан дикIай.
Зунттал шархъав маоь, лухIи ларх хьами,
ДакIнивун асар шай, къюкI ришлан дикIай.

Миннатри барзунттив шикаят бара,
Буттахъал улкля, мюрщи шархъая,
Та лавг заманалия, гъазаватрая,
Зунттал агьудданун ккавкцириннуя.

Къув-аьс, чявхъа-гъарал ниттил яс хханссар,
Дяъвилин арс лавгун зана къавхьусса.
ЛухIи -цIан ттуруллив зунттайх даркьусса,
Буттал варси хханссар дягъулий лавхьсса.

Ци-цигу чумартгътал, зунттал оьрчI-вирттал
Гъазаватрай лавгун, зана къабивкIсса.
Ци-цигу алвагьсса лакрал ххуй душру,
Мурадлайн къабивьсса, талихI къавхьусса.

Цаннивав дугърисса зунттал жагьилтал,
Душру дакI уздансса, ас-намус бусса.
Бувнавав тIутIаву бюхттул барзунттай.
Шювшунавав ниттил шарашул щинай.

Зуттал даралуву лакрал гъанурду.
Гъази-Гъумучи ва илкин махIларду.
Вирттал бувк ужагъру, мюрщи шархъурду.
Къучагътурал бакIчи Ханмюртазааьли.

Зул цIарду хIурматрай зумух ласару.
Гьурватрай личIцири дакIнин бичару.
Хьурдай нава аьшукъ, зуха назму дан,
Чугурданул чIуни такъвалий учин.

Буттал улкля

Нава чув унугу ци билаятрай,
Дагъусттан зунттурду хьама къабитай.
Щархъив кюртти-кюртти, жегъир ххуллурду,
Буттал шяравалу хьхьичI дацIлан дикIай.

Шинай цал учIара гъидайдихьулий,
Буттал билаятрайн лакрал оьнтIуллуин.
ВацIиллуин лахъара, лагма ургара.
Буттахъал улкля я батIин къашай.

Лагмава зунттурду, мюрщи шархъурду.
Дянив ца тIиртIусса хьун шяравалу.
Вай лакрал агъали, маччайннал агълу.
Вай Гъази-Гъумучи, Сурхай-Ханнал халкъ.

Гъава буллай барзу, зунттаву бархху.
Щарашив, щюлли къур, марцI урттул марсри.
Къакъунттул къакъаба, ххюнкIлул пенпперитI.
Ва лакку билаят, ва буттал улча.

Гъаварал марцIшиву - укъаххаракха.
ТIутIал караматшиву - ща къалиххайхха.
Жалин чIелму лехлай, балай тIий ччикку
Ца дакI ххари шайхха, дакI рахIат дуккай.

Ниттил увсса шярав - Хьурив ликкара.
Мачча -гъан ккаккара, ккурчIав уккара.
ХIатталлив лагара, аьпа учара.
Буттахъал замана дакIнин бичара.

Хьудугьулт, усттартал, захIматрал агълу,
Зул цIарду бусравну зумух ласару.
Аьрххийли ливчIцири дакIнин бичару.
Зу чак бай щараши марцIну ябару.

Вай дакIнил асарду Хьуриятусса Макьсуд ХIабибуллаевул редакциялин гъан бувну бия шиннардил хьхьичIава.

Зунттал хIакьсса захIматчинал шеърирдаву аьч дуллалисса темарду:

Буттахъал улкля ххирашиву, хьудугьул пишалул тIаавнишиву, Ватан дуручлай лакрал дурсса къучагъшивуртту -дух къашайсса, ялун нанисса никирал лаласунсса дур.

РЕСПУБЛИКА ДАГЕСТАН
АДМИНИСТРАЦИЯ МУНИЦИПАЛЬНОГО РАЙОНА
«ЛАКСКИЙ РАЙОН»

РАСПОРЯЖЕНИЕ
от 10 августа 2021 г. №237-р

Перечислить из районного фонда финансовой поддержки бюджетные средства (зарплата с начислениями за август 2021 г.)

1. Материально-техническое и финансовое обеспечение органов государственной власти:

МР «Лакский район» - 534,0 т.р.
Финансовый отдел МР «Лакский район» - 218,1 т.р.
ОСХ и Э МР «Лакский район» - 308,3 т.р.
КСП МР «Лакский район» - 60,3 т.р.

2. Поддержка средств массовой информации:
МКУ «Редакция газеты «Заря» - 243,6 т.р.

3. Содержание учреждений культуры и искусства в части межпоселенческих расходов:

МКУК «ЦТКНР» - 549,0 т.р. (в т.ч 49,6 т.р. стим за август).
МКУК «ЦТКНР» - 217,2 т.р. (зарплата тех персоналу) по виду расхода 244(226).
Библиотека (районная) - 192,3 т.р. (в т.ч 8,4 т.р. стим за август).
Библиотеки (переданные) - 272,6 т.р. (в т.ч 25,4 т.р. стим за август).
ЦБ (культура) - 155,8 т.р.

4. Организация предоставления общедоступного и бесплатного дошкольного, начального общего, основного общего, среднего (полного) общего образования по основным общеобразовательным программам:

МКУ ДО «Кумухская школа искусств» - 188,7 т.р.
МКДОУ «Детский сад с. Кумух» - 297,8 т.р.
МКДОУ «Детский сад «Солнышко» - 206,0 т.р.
МКУ «УО» - 632,6 т.р.
5. МКУ «ЦБ администрации» - 138,0 т.р.
6. МКУ «ЕДДС» - 134,6 т.р.
7. МКУ «ЛМ Архив» МР «Лакский район» - 89,7 т.р.
8. МКУ «ЖКХ, С и СВ» - 100,0 т.р.

Глава администрации
МР «Лакский район»



Ю.Г. Магомедов